



**PROME MINISTER TA URGI
COMUNIDAD PA SEA ALERTA Y NO CAY
DEN NOTICIANAN Y MATERIALNAN
FALSO CU TIN CIRCULANDO RIBA
MEDIONAN SOCIAL NA ARUBA**



WWW.SOLODIPUEBLO.COM



SOLODIPUEBLO@GMAIL.COM

Otro sorpresa mas prome cu coalicion FUTURO/AVP sinta,

**GOBIERNO NOBO DI AVP/FUTURO
TA KIBRA PROMESANAN DI
CAMPAÑA Y AUMENTA COSTO
Di 8 minister pa 14 minister**



**EAGLE BEACH TA WORDO
RECONOCI COMO PARTI DI TOP
3 MIHOR PLAYA DEN MUNDO**
Segun TripAdvisor Eagle Beach ta
tambe #1 den Caribe



**PRESIDENTE DI PARLAMENTO
GERLIEN CROES TAMBE
A SALI MALO**

**HENDENAN DI GEOFFREY WEVER
A BUSCA CONSEHO CERCA
PARTIDO MEP**

E unico conseho directo tabata pa kita e
cartera di finansa for di man di AVP



Prome Minister Evelyn Wever-Croes: PROME MINISTER TA URGI COMUNIDAD PA SEA ALERTA Y NO CAY DEN NOTICIANAN Y MATERIALNAN FALSO CU TIN CIRCULANDO RIBA MEDIONAN SOCIAL NA ARUBA

- Recientemente por a nota riba medionan social na Aruba varios publicacion di noticianan falso y materialnan di deepfake ta circulando. Prome Minister a indica cu ultimamente, Servicio di Siguridad Nacional di Aruba (VDA) a detecta un aumento grandi den noticianan falso y material manipula (deepfakes), cu ta wordo uza pa trata di engaña nos ciudadanonan. Un di e formanan mas comun ta via fraude cu crypto, unda personanan ta wordo convencí pa haci inversion y despues ta perde nan placa.

Prome Minister a expresa cu como Gobierno, nos tin e responsabilidad di proteha nos ciudadanonan

contra e tipu di abuso aki. P'esey ta pidi comunidad pa keda alerta y sigui algun paso importante y recomendacionnan di VDA.

Con pa reconoce noticianan falso y e asina yama deepfakes

- ☐ ☐ Controla unda e noticia ta bin. Un solo fuente no ta basta. Verifica e informacion den medio confiabel y oficial prome cu bo kere of comparti.

- Paga tino na e imagen of video. Deepfakes por parce real, pero tin detayenan straño, manera movecion no natural of audio cu no ta cuadra.

- Mira si otro medio confiabel a publica e noticia. Si un noticia no ta wordo confirma pa



instancianan oficial, ta miho bo no confia.

- Uza hermentnan di verificacion. Imagen of video por wordo manipula. Uza un r'everse image search' pa verifica si nan ta autentico.

- Tene cuidow cu oferta di inversion. Scammers ta hopi creativo pa trata di saca placa for di hende. Nunca inverti sin investiga bon prome.

Con bo por proteha bo mes?



- No comparti bo informacion personal cu persona of organisacionnan desconoci.

- Si bo topa noticianan sospechoso, raporta esaki na VDA (11911) of Polis di Aruba (KPA 11141).

- Keda informa y sigui e campananan di seiuridad digital pa bo sa con pa detecta fraude.

"Nos ta compromete pa proteha nos pueblo contra e tipo di engaño aki. Pero nos mester bo colaboracion. Ta solamente via conscientisacion y vigilancia cu nos por combati e menasa di noticianan falso y fraude digital. Mi ta pidi bo pa keda alerta, pensa criticamente, y si bo tin duda, verifica semper prome cu bo actua", Prome Minister a expresa.

DAMA TURISTA A DALA ABAO CU E STEP NAN DEN ORANAN DI MADRUGA BANDA DI E HOTELNAN



Diamars madrugada drenta informe di cu un dama turista a dal abao for di un electric step banda di e hotelnan, mesora a dirigi tanto polis como ambulans na e sitio. Na yegada di e patruya a bin compronde cu aki

ta trata di un dama turista a dal abao pero su casa mes cu ta dokter a cuminsa atende cu locual e tabata tin y polis tabata tin. Na yegada di e ambulans nan a atende y a transporte pa hospital.



Ministro encarga cu Turismo & Salubridad ta anuncia cu entrante **20 februari 2025** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **koffiehuis- y un restaurantvergunning A** pa e parcela na **Palm Beach 13-A**. E permisonan aki ta concerni e.o. benta di bebida sterki por detal y cuminda pa wordo consumi den e parcela. Den e periodo aki tur hende por expresa por escrito nan desacuerdo contra dunamento di e permisonan menciona, dirigi na e Ministro encarga cu Turismo & Salubridad via intermediacion di Director di Departamento di Legislacion y Asunto Huridico, Schotlandstraat 53.

Partido MEP: Otro sorpresa mas prome cu coalicion FUTURO/AVP sinta, **GOBIERNO NOBO DI AVP/FUTURO TA KIBRA** **PROMESANAN DI CAMPAÑA Y AUMENTA COSTO** **Di 8 minister pa 14 minister**

Partido MEP ta expresa preocupacion grandi riba e declaracionnan di Mike Eman tocante aumento di cantidad di minister pa e siguiente gobernacion entre partidonan FUTURO y AVP.

Esaki pa Partido MEP ta un falta di consideracion hopi grandi di e gobierno entrante, na unda cu durante campaña pa eleccion 2024 ambos partido cu lo forma e gobierno nobo, a haci promesanan cu lo tin tur intencion di baha costo di gobernacion. Despues cu durante campaña nan a priminti cu nan lo goberna cu solamente siete minister, pa acomoda plan pa gobernacion di FUTURO y su Lider Gerlien Croes, e gobierno entrante a bin cu e decision pa bin toch cu siete minister adicional pero a duna nan un otro nomber, esta "staatssecretarissen".

Esaki ta haci cu FUTURO/AVP lo goberna cu 14 minister. Lo tin por

ehempel, minister di educacion y su staatssecretaris/ vice minister di educacion, minister di finanzas y su staatssecretaris/ vice minister di finanzas. Sin duda esaki ta un intento pa evita yama nan como loke realmente nan ta: minister extra bou gasto di pueblo. Partido MEP ta considera esaki tambe como un engaño na e pueblo di Aruba.

Esaki lo pone un gran peso financiero riba nos pais. E siete posicionnan extra lo mester di salario, beneficio, staf, oficina, vehiculo, entre otro, cu lo costa miyones di florin anualmente. Contrario di nan promesa di campaña. En bes di reduci gasto di gobierno y priorisa estabilidad financiero manera MEP den gobierno a bin ta haci e ultimo siete añanan, nan ta expande e estructura di gobierno y aumenta gasto, mientras cu nos pueblo ta sigui lucha cu costo haltu di bida

y e debe cu Mike Eman a traha y e debe cu Hulanda cu Covid a causa.

Mas alarmante ainda ta cu e Mike Eman, a admiti abiertamente cu e posicionnan adicional ta pa train integrantenan incapas di Partido AVP pa haci nan capas pa bira minister di Partido AVP un dia. E realidad ta cu esaki ta e manera di Mike Eman pa acomoda mas tanto candidato riba su lista creando posicionnan y yamandonan staatssecretaris y no coordinador manera antes el a haci.

Gobernacion ta algo serio y Aruba no por permiti gasta miyonna di florin solamente pa duna entrenamiento politico na integrantenan di AVP bou gasto di e contribuyentenan na caha di gobierno. Si e gobierno nobo aki realmente ta comprometi na eficiencia y reduccion di costo, lo nan no a bin cu e plan desastroso aki pero lo a keda firme riba su promesa original y lidera cu



solamente siete minister manera nan mes a priminti—sin excusa, sin engaño.

Partido MEP ta condena fuertemente esaki como un decision irresponsabel y engañoso. Pueblo di Aruba merece transparencia y un gobierno cu ta respeta su palabra. Nos lo sigui condena e decision di expansion irresponsabel innecesario aki di e gobierno entrante pasobra esaki ta pone un carga extra riba e ciudadano cu ta trahando duru.

PROLONGACION ENCARGO DI FORMACION GOBIERNO DI ARUBA



KABINET VAN DE GOUVERNEUR VAN ARUBA

Gobernador di Aruba, Su Excelencia Alfonso Boekhoudt riba 14 di januari a apunta señor Michiel G. Eman y señora Gerlien L. Croes como formador. Durante di e simannan siguiente, e formadornan a informa Gobernador regularmente tocante e progreso den e implementacion di e encargo di formacion.

Awe e formadornan a entrega Gobernador un relato provisional. Formadornan a indica cu a papia cu un gran cantidad di organisacion durante di e ultimo simannan. Sinembargo, e evaluacion di capacidad di e candidatonan pa e funcion di minister y di minister plenipotenciario, segun e exigencianan di e 'Landsverordening integriteit ministers' no a cuminsa ainda. Mirando cu e evaluacion ta wordo realisa pa garantiza integridad di administracion publico, ta di importancia pa permiti suficiente tempo pa realisa e evaluacion aki pa esaki sosode cuidadosamente.

Awe Gobernador di Aruba a pidi formadornan pa riba 13 di maart mas tarda, presenta na su persona e acuerdo di gobernacion definitivo, e reparticion di cartera y pa sigura cu riba e fecha ey tambe e resultadonan di e investigacionnan haci bao di e 'Landsverordening integriteit ministers', por wordo discuti.



Fraccion di Partido MEP:

Durante reunion den Parlamento, Parlamentario Wever-Croes ta pidi partido di Mike Eman (AVP)

PA DUNA CLARIDAD NA COMUNIDAD DI ARUBA CON TA PARA CU E AWG 700 CU EL A PRIMINTI NOS PENSIOENADONAN Y TAMBE UNDA TA PARA CU E RIJKSWET



Dialuna mainta durante un reunion den Parlamento, Parlamentario y Lider di partido MEP Evelyn Wever-Croes a hiba palabra den e di dos tanda. Prome cu el a cuminsa cu su disertacion, el a tuma nota cu un Parlamentario cu conoce e reglanan di Parlamento hopi bon, a referi na su persona, y cu na ningun momento Presidente di Parlamento a hala atencion di e Parlamentario aki pa cord'e riba e reglanan.

Tambe Parlamentario Wever-Croes a indica cu no ta aceptabel cu Presidente di Parlamento ta interumpi 3 di su coleganan na momento cu nan ta hibando palabra, pa un topico cu por a wordo referi na nan despues di nan disertacion, causando asina cu nan no tabata tin e tempo suficiente pa termina nan disertacion. Esaki no ta democracia, p'esey Parlamentario Wever-Croes ta pidi Presidente di Parlamento pa haci su trabou na un manera corecto y pa mantene democracia den e sala di Parlamento.

Promesa di Mike Eman riba aumento di pensioen

Na inicio di su disertacion, Parlamentario Wever-Croes a indica cu ta importante awor cu a fiha e comisionnan pa esnan encarga cu e comision

di "ouderenzorgen" informa pueblo y tur nos adultonan mayor unda nan ta para cu e promesa di señor Mike Eman pa aumenta e pensioen di biehes cu Awg 700 den e prome 100 dlanan di su gobernacion. Y cu esaki partido MEP kiermeen pa duna comunidad di Aruba claridad hopi lihe kico ta locual cu ta bay pasa cu e Awg 700 cu a wordo priminti na pensioenadonan.

Mike Eman a haci un promesa durante su campaña poltico, cu e tabata sa di antemano cu lo ta hopi dificil pa e cumpli cu ne. E tabata sa cu e aumento aki no ta posibel y toch a haci e promesa. Danki na e promesa aki, AVP a gana eleccion, pues AVP lo mester cumpli cu nos grandinan awor. E Parlamentario a expresa tambe cu nan kier wak

e aumento di berdad y no den fase ni pa un par di luna so manera señor Valdes di OPPA a indica, pasobra esaki no tabata e promesa haci pa Mike Eman. Ta importante tambe pa partido FUTURO bin dilanti y duna nan posicion pa cu e aumento di pensioen aki mirando cu nan lo ta den un coalicion cu partido AVP cu a gana eleccion riba e promesa aki.

Parlamentario Wever-Croes a expresa cu te cu awe no tin niun informacion kico ta bay pasa cu e aumento aki y hopi ta esnan cu ta puntrando. Partido MEP tambe den nan funcion como miembro di e comision lo percura cu Mike Eman cumpli cu su promesa haci na e pensioenadonan.

Rijkswet


E tema di rijkswet ta un

tema hopi importante. Partido MEP a pidi na mas di un ocasion, pa un reunion publico pa trata e tema aki, mirando cu a wordo bisa cu ta den un reunion publico so e partidonan lo durf di bisa unda nan ta para pa cu esaki. Respet mester bin di dos banda, si nos kier pa pueblo respeta e Parlamento aki, Parlamento mester respeta pueblo. Parlamentario Wever-Croes a indica cu tempo e tabata den oposicion, ta masha poco partido AVP cu tabata na mando tabata bin atende cu pueblo. Awor mirando cu nan a gana eleccion ta importante pa bin informa pueblo unda nan ta para cu e rijkswet. Gobierno di MEP a traha riba esaki y a crea e espacio financiero, awor e pregunta clave ta; si AVP lo bay haci lo corecto pa pais Aruba.

PROBLEMA DEN FAMIA TA SIGUI POLIS Y AMBULANS A BAY PA HENDE HERIDA

Diamars mainta a drenta informe di un problema entre famia entre rumannan cu a caba den pelea cu agresion den Caya G.F."Betico" Croes, mesora a dirigi tanto polis como ambulans na e sitio. Na yegada di e patruya a bin compronde cu aki

ta trata di un problema entre e famia pa un cas unda ainda e mama ta biba eynan ainda. E patruya a bin topa cu un ruman cu un kap na cabes y a solicita un ambulans na e sitio. Na yegada di e ambulans nan a atende e victima na e cas mes.



PRESIDENTE DI PARLAMENTO

GERLIEN CROES TAMBE A SALI MALO



Awe den un reunion publico parlamento a trata reparticion di e comisionnan fiho den parlamento como tambe e presidencianan di e comisionnan. Minister Dangui Oduber, hunto cu su coleganan di e Partido MEP, a spera di por a haya oportunidadnan teniendo cuenta cu e resultado di eleccion. Pero presidente di parlamento sra. Gerlien Croes no a respeta e mas di 17.000 votadornan di MEP, tampoco no a respeta MEP su 8 asientonan.

Manera ta conoci caba e resultado di eleccion a duna MEP 6 asiento, AVP 6 asiento, Futuro 2 y PPA 1, cu restzeta e resultado aki a cambia bira MEP 8, AVP 9, Futuro 3 y PPA 1.

Den parlamento tawata tin 22 comision cu lo mester reparti e comisionnan y apunta presidente pacada comision. Pa un parlamento representa pueblo y representa e votadornan den parlamento e presidente na su turno mester por respeta democracia y presenta un reparticion husto di e presidencia pa tur e comisionan, cual no a pasa awe.

Ta asina cu netamente e presidente nobo aki, sra. Gerlien Croes, a boga den su campaña pa un politica nobo, diferente, distinto y sigur un otro tipo di funcionamiento di parlamento. E presidente aki sra. Croes ta conoci si caba pa ta un persona cu ta “Flip Flop” ora ta cumbinie. Asina nos por corda con tempo e tawata forma parti di e Partido AVP e tawata totalmente contra e rijkswet y awor cu e ta forma parti di Partido Futuro e ta totalmente na favor di e rijkswet. Pa loke ta funcionamiento di parlamento mesun cos. Apenas algun luna atras e tawata boga pa partidonan den oposicion wordo respeta y tin mihor representacion sea como presidente di parlamento of como presidente di diferente comisionnan y awor e ta haya oportunidad pa practica loke e ta “preach” y ta haci net contrario. E ta bai bek na e mesun politica bieu,

antica di Partido AVP, caminda e la haya su preparacion y educacion. E mayoria parlamentarionan nobo a muestra un falta di respet pa democracia y en bes di cu Partido Futuro a representa e cambio den parlamento, mas bien e partido a bira e verlengstuk di Partido AVP.

Pa pueblo por compronde e discusion, Parlamento tin 22 comision y Partido MEP tin 8 asiento di e 21 asientonan den parlamento. Esaki kiermen si presidente sra. Gerlien Croes realmente ta respeta decision di pueblo, respeta MEP su votadornan y duna nan e representacion cu nan merece, MEP lo mester a haya por lo menos 6 presidencia di e comisionnan. Awor aki tin un situacion cu Partido MEP a haya solamente 1 presidencia di e 22 comisionnan y tin Partido Futuro cu tin solamente 3 asiento a haya 9 presidencia y Partido MEP cu 8 asiento ta haya solamente 1 presidencia! Por wak aki claramente cu algo NO ta cuadra cu e reparticion aki cual sigur no ta aceptabel tampoco pa nos votadornan.

Ki respet sra. Gerlien Croes por tin pa MEP su votadornan. Locual e la caba di haci ta muestra cu den parlamento 3 asiento ta bal mas

cu 8? Kiermen den e dictadura nobo aki 3 asiento tin mas representacion cu 8 asiento den parlamento.

Awor pueblo mester puntra si realmente sra. Gerlien Croes kier mira cambio den manera cu parlamento ta funciona? Puntra si esaki ta e respet cu 17.000 votador (8 asiento) merece? Esaki ta un falta di respet di parti sra. Gerlien Croes na tur votadornan cu MEP ta representa. Pa MEP por haci su trabou di controla, vigila y cuestiona decisionnan di gobierno ta importante pa tin e presidencia di cierto comisionnan pa asina evita cu e coalicion

AVP sin Futuro ta secuestra parlamento di Aruba y limita su funcionamiento.

Mi ta lamenta cu sra. Gerlien Croes como presidente di parlamento tambe a sali malo y mas bien ta sigui pasonan di AVP pa asina purba silenciar parlamento y stroba parlamento di funciona! No bin bisa cu nos a vota na favor paso nos a bisa claramente den e reunion central cu nos ta na favor “onder protest”, pasobra e reparticion aki simplemente ta un falta di respet pa nos votadornan. – Minister Demisionario Dangui Oduber

CHAUFFEUR SIN RIJBEDIJNS NO A REGULA SU VELOCIDAD NI A MANTENE DISTANCIA A BAY DAL TRAS DI AUTO Y ESAKI A BAY DAL OTRO AUTO

Diamars mainta a drenta informe di un accidente na Ser'i Teishi, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda un chauffeur sin rijbewijs

di un pick-up no a regula su velocidad ni a mantene distancia a bay dal tras di e auto Hyundai Accent su dilanti y consecutivamente esaki a bay dal tras di un Hyundai Tucson. Na prome instante e

chauffeur sin rijbewijs kier a regla esaki entre nan pero e conductor no a acepta y a prefera di yama autoridad.

Afortunadamente ningun hende a resulta herida



EAGLE BEACH TA WORDO RECONOCI COMO PARTI DI TOP 3 MIHOR PLAYA DEN MUNDO

Segun TripAdvisor Eagle Beach ta tambe #1 den Caribe

Aruba Tourism Authority (A.T.A.) ta orguyoso di anuncia cu Eagle Beach a wordo reconoci pa premiacion prestigioso di TripAdvisor’s® pa ‘Best of the Best Awards di 2025’.

Eagle Beach a logra tres distincionan impresionante e aña aki cu ta inclui, #1 Playa den Caribe, #2 Playa den Premio di 25 Aniversario di TripAdvisor, #3 Playa den Mundo. E reconocimiento aki ta muestra e bunitesa natural, arena blanco suave, y awa cristalino di Eagle Beach cu ta haci e playa aki uno inolvidabel pa e huespednan di tur parti di mundo.

TripAdvisor ta selecciona Travelers’ Choice Best of the Best Beaches’ basa riba calidad y cantidad di feedback/reviews ricibi di huespednan di rond mundo riba e plataforma aki. E feedback/reviews ta wordo colecta durante un periodo di 12 luna (for di 1 di oktober 2023 te 30 di september 2024). E ranking ta depende di locual cu e huespednan ta prefera den un playa, manera awa cla, arena suave, of paisahenan bunita. E premio ta refleha opinionan autentico di huespednan cu ta cambia tur aña segun e feedback/reviews nobo.

Eagle Beach ta mas cu solamente un playa bunita, cu arena blanco y awa cristalino, e ta un parti

esencial di e herencia natural y cultural di Aruba. Cu palonan iconico di fofoti, temporada di turtuga, y un bida marino diverso, e playa aki tin un papel crucial den e ecosistema di e isla. Ta importante pa refleha riba e importancia den proteha Eagle Beach y sigura cu e futuro generacion por sigui disfruta di su bunitesa, mientras cu nos ta conserva e balans natural. Cu practicanan sostenibel, y segun cu ta atrae e turismo responsabel, hunto cu esfuersonan local di conservacion lo yuda na mantene su condicion natural pa e playa por keda un tesoro pa tanto e comunidad local como nos huespednan.

Ban hunto cuida Eagle Beach y tur otro playanan y recursonan natural rond di nos isla.

Masha danki pa stima Eagle Beach! Pabien Aruba!

Tocante Aruba Tourism Authority (A.T.A.) Desde 1 di januari 2011, Aruba Tourism Authority ta opera como un entidad ‘Sui Generis’. Un organizacion independiente den e esfera publico. Aruba Tourism Authority ta fungi como ‘Destination Marketing and Management Organization (DMMO)’ y ta responsabel pa uni interes turistico entre socionan local e internacional. A.T.A. ta pone hopi enfasis



riba e e modelo di “High Value-Low Impact” cu ta para pa un balans entre aumenta e balor economico di e bishitante, posiciona Aruba como un pais desea y sostenibel, y posiciona Aruba como lider di desaroyo como un destinacion.

Cu meta pa sigui mantene esfuersonan den linea segun e balans menciona, y logra aumenta entrada pa medio di calidad di turismo en bes di e volumen cu nos destinacion ta ricibi. Capacidad di carga ta sigui ricibi atencion di parti di A.T.A.



Corte di Prome Instancia 20 februari 2025		
Horario	Sospechoso	Acto Castigabel
08.30	J.D.S.	S. ta wordo acusa di kiebro y ladronia y destruccion riba 30 di april 2024.
09.00	G.H.	H. ta wordo acusa di maltrato cu un arma, menaza cu morto y destruccion riba prome di juni 2024.
09.55	T.J.O.E.	E. ta wordo acusa di maltrato cu arma y destruccion riba 15 di september 2022 y di destruccion riba 5 di februari 2022.
11.00	M.M.G.	G. ta wordo acusa di destruccion di un auto riba 9 di november 2024.
11.30	D.J.O.P.	O.P. ta wordo acusa di destruccion di un suma di placa riba 12 di oktober 2024.
11.40	S.D.G.	D.G. ta wordo acusa di ladronia di un plach'i number riba 11 di juli 2024.
L3.55	A.K.M.	M. ta wordo acusa di ladronia di un suma di cen den luna di augustus 2024.
L4.20	J.J.C.H.	H. ta wordo acusa di a maltrata un persona riba 23 di augustus 2024 dor di dal e varios biaha cu forza den cara y destruccion di su bril.
L5.05	R.S.B.	B. ta wordo acusa di a maltrata un persona cu un arma (un kabel) riba 23 di januari 2024.
L5.30	G.N.M.	M. ta wordo acusa di ladronia di perfumenan den un tienda riba 28 di september 2024.

Parlametario Endy Croes (MEP):

HENDENAN DI GEOFFREY WEVER A BUSCA CONSEHO CERCA PARTIDO MEP

E unico conseho directo tabata pa kita e cartera di finansa for di man di AVP

Parlamentario Endy Croes a splica cu e hendenan cerca di Geoffrey Wever a busca conseho na mas cu un ocasion cerca partido MEP durante nan negociacion pa forma gobierno. Aparentemente Futuro tin hopi dificultad pa confia AVP. Como cu nan ta carece di experiencia nan tabata manda e hendenan prominente den nomber di Geoffrey Wever pa busca conseho cerca MEP.

Conseho consiso pa percursa pa AVP no haya e cartera di finansa:

Conseho di MEP na e grupo cerca di Geoffrey Wever

cu tabata lobby y busca conseho constantemente tabata pa percursa cu AVP no haya e cartera di Finansa Publico. Mike de Meza di AVP desde 2009 pa 2013 a maneha Finansa Publico y a laga esaki na werki. Despues Juan David y Bermudez a atende Finansa Publico como ex - ministernan pa AVP di aña 2014 pa 2017. Nan a logra crea e mega debe, a logra un KB, a logra Ley di LAFT, a logra trece CAFT Aruba, a logra cu Hulanda a laga destrui Presupuesto 2014 aproba pa Parlamento, a logra cu Mike a bay den welga di hamber pa despues logra

entrega parti di nos Status Aparte.

Un maneho desastroso cu a wordo considera e desaster di siglo. AVP a redobla debe di Pais Aruba y a presta 2200 milyon florin sin cu tabatin un pandemia. Pa e rasonnan aki nos ta pagando awe casi 300 milyon pa aña solamente na interes riba e placa presta pa AVP. Pues momento cu e hendenan di Geoffrey a acerca MEP pa conseho e unico conseho cu MEP a keda consistente riba dje ta cu FUTURO no mag di laga e cartera di finansa bay pa AVP y percursa pa AVP dobla.

Nos por mira atras cu e hendenan yega na Geoffrey Wever y FUTURO a tuma e conseho aki cu dos man. Nos a compronde cu AVP a sapatia, pero finalmente Mike Eman y AVP a dobla pa e proceso di formacion por a continua.

Nos no por divulga tur cos, pero di curason nos no kier pa AVP kibra tur e logronan di e gobierno actual riba e tereno financiero y hinca Aruba bek den debe y den cora. Mike a grita den parlamento cu e ta orguyoso di e debe y cu e debe tey pa nos tur bay page den FUTURO. Finalmente, awor AVP y FUTURO mes



lo mester percursa pa sigui paga e mega debe cu AVP a ocasiona. Nos consehonan tabata gratis y consiso y di un banda por a mira cu e conseho a wordo cristalisa den realidad.

PARADA DI CARNAVAL DI COLEGIO LAURA WERNET-PASKEL



Diabierna 21 di februari 2025, muchanan di Colegio Laura Wernet-Paskel na Kadushi Largo pa di su 46 aña ta celebra Carnaval cu un parada conhuntamente cu participantenan di otro scolnan di barrio di Santa Cruz. Nos parada lo sali 5'30or di atardi for di parkeerplaats di Colegio Laura Wernet Paskel. E parada ta bira na e crusada di Sero

Compa y Kadushi Largo bay pariba direccion Angochi y ta lora despues pa termina e parada riba e veld di Sportboys Club.

Colegio Laura Wernet-Paskel tin como tema e aña aki:

'NOS TA BRIYA' Tur aña muchanan di diferente scolnan di cuido, preparatorio y scolnan basico ta participa na nos parada di Carnaval.



E aña aki 2025 ta compaña nos:

- Curason Contento cu e tema "Minions"
- Sint Jan Kleuterschool cu tema di "Super Heroes"
- Cacique Macuarima cu e tema di "Cowgirls & cowboys"
- Colegio San Hose cu tambe

tin e tema di "Super Heroes"

• De Schakel basisschool cu e tema di "Inside out" Nos ta gradici e scolnan di awor caba cu tur aña ta yuda engrandece nos parada. Un y tur ta keda cordialmente invita pa bin presencia e parada anual di nos muchanan di Santa Cruz.

Fraccion di MEP: Parlamentario Evelyn Wever-Croes:

TIN HOPI PREOCUPACION NA ARUBA Y HULANDA PA UN MAL MANEHO FINANCIERO NA MAN DI MIKE EMAN UN BIAHA MAS

A traves di e Comision di Finanzas, Partido MEP lo salbuardia interes general di Aruba y di su ciudadanonan



Dialuna 17 di februari, durante un reunion publico di Parlamento di Aruba a trata e diferente comisionnan fiho. Apesar cu MEP a haya presidencia di solamente 1 di e 22 comisionnan, MEP a haya uno hopi importante cu ta e Presidencia di e Comision di Finanzas.

Parlamentario Evelyn Wever-Croes, durante e reunion a hiba palabra unda el a expresa di ta sumamente satisfecho cu Fraccion di MEP a haya e Presidencia di e Comision di Finanzas.

Finanzas ta e yabi, y pa un parlamento haci e miho control di gobierno, e mester tin tur herment

den man pa eherce e control. Finanzas tawata un yabi den e ultimo gobernacion y lo ta e yabi di e siguiente gobernacion tambe. Fraccion di MEP, a traves di e comision aki lo salbuardia interes general di Aruba y di su ciudadanonan.

Parlamentario Wever-Croes ta indica cu su persona den funcion di Prome Minister di Aruba, a caba di bin di un biaha di trabou na Hulanda unda el a hiba varios reunion cu mandatarionan Hulandes. Practicamente durante tur reunion, e por a sinti e neviosismo y preocupacion cu ta biba na Hulanda pa un posibel regreso di un gobierno di Mike Eman. Hulanda tin un mal experiencia cu Gabinete Mike Eman, y e welga di hamber di señor Mike Eman ta un

tema cu keto bay ta bin riba mesa y ta algo cu ta trece preocupacion bou e Hulandesnan.

Tambe Parlamentario Wever-Croes ta subraya cu tin indicacion di personanan cu ta sigui e negociacionnan di e formacion di e gobierno nobo, cu partido FUTURO ta pidiendo pa e ministerio di Finanzas pasobra nan no ta confia partido AVP cu finanzas. Pero como sea, FUTURO lo no tin e influencia suficiente pa por “override” mal decisionnan cu lo bin un biaha mas financieramente di señor Mike Eman. Mescos den pasado cu señor Mike Eman no a laga señor Angel Bermudes, cu ta un persona di hopi respet y renombre, funciona como Minister di Finansa.


“Otro preocupacion cu tin

na Hulanda ta e manera malo cu un integrante di AVP, presente den sala di Parlamento awe, a trata nos Gobernador di Aruba. Esaki ainda nan ta sinti’e na Hulanda. Tambe Hulanda ta preocupa cu tin algun integrante di AVP a declara cu nan ta bay “ruim op de boel” den Ministerio Publico. Segun Hulanda, e metemento di partido AVP den Ministerio Publico, aparentemente a cuminsa caba cual ta algo hopi preocupante. Esaki sigur ta algo cu e Comision di Husticia mester bay encarga di dje. Pues na e comisionnan cu a keda estableci, mi ta pidi pa pone enfasis riba e temanan aki y pa loke ta finanzas, no tin duda cu nos, di Partido MEP, sigur lo percura pa haci un bon trabou di esaki, Parlamentario Wever-Croes a expresa.

ACCIDENTE CU HENDE HERIDA DILANTI NAPA CURA CABAY

Dialuna atardi a drenta informe di un accidente cu hende herida na Napa Cura Cabay, mesora a dirigi tanto polis como ambulans na e sitio. Na yegada di e patruxa a bin compronde cu aki ta trata di un accidente pa falta di preferencia. E

Toyota Corolla no a duna preferencia na e Hyundai Tucson. Debi na e impacto un dama a resulta herida cu dolornan na su nek. Na yegada di e ambulans nan a atende e dama.



ANGEL SOTO CU CURSO DI ACTUACION Y PELICULA



Diahuebs awo, 20 di februari 2025, e conocido Angel Soto lo ta dunando su di 4 curso di actuacion y e tecnicanan di traha bo propio pelicula

cortometrahe. E curso aki ta patronisa pa CEDE ARUBA y realisa pa Angel Soto di LUMIÈRE films. E luga ta Colegio EPI Gate 3, local ATO5. E curso largo aki lo ta tur diahuebs merdia cuminsando dia 20 di februari y ta bay te cu fin di juni 2025. E ora ta 2:30 pa 3:30 pm.

Tur participante lo haya curso di scriptwriting, uzo di camera y filmacion, editing, colour grading, uzo di luz. Cada cursista lo cera e ciclo aki cu un certificado. Un y tur, cu pasion p’e arte di actuacion y mundo di pelicula, ta bonbini

pa sigui e curso aki. E ta completamente GRATIS y no mester trece nada otro cu e sonrisa y entusiasmo. Pa participa por tuma contacto cu Stichting Educacion Digital Aruba yamando 5645769 of mandando un email na: info@sedaruba.org.

Cft: "Tin peliger di recaida na Boneiro, mester pone e base na ordo"

Kralendijk – Durante e deliberacionnan cu a tene cu Colegio Ehecutivo y Consejo Insular di Boneiro, Colegio di supervision financiero di Boneiro, Sint Eustatius y Saba (Cft) a pidi atencion pa e problemanan cu frecuentemente ta keda refleha den e hayazgonan di Cft. Maneho financiero, e politica presupuestario y e funcionamiento di e entidadnan gubernamental ta core peliger di recaida, pa motibo di un falta di capacidad di implementacion. Boneiro simplemente no ta in control.

Capacidad di implementacion den tur e areanan, Cft ta constata un falta di capacidad di implementacion, loke ta varia di un falta di tumamento di decision pa e gobernacion insular te un falta di implementacion di esaki. Esaki ta keda refleha den e recaida di maneho financiero, implementacion deficiente di maneho y funcionamiento insuficiente di entidadnan gubernamental.

Maneho financiero Den e añanan pasa, Boneiro a tuma pasonan importante pa mehora maneho financiero. Pa 2023, pa di dos biaha consecutivo, Boneiro a ricibi un declaracion completamente aprobatorio di auditor. Sin embargo, tin un recaida. E aña pasa, Cft a expresa su mes di manera critico den su consehonan, y a sinti e obligacion pa abstene di emiti huicio tocante di e di cuater informe di

implementacion di 2024, pa motibo di e suministro deficiente di informacion. Di e manera aki, ta limita Consejo Insular den su tarea di supervision. Considerando e hayazgonan aki, Colegio Ehecutivo a invita Cft pa – riba termino cortico – duna consehonan mas detaya tocante di e estructuracion di maneho financiero.

Implementacion presupuestario 2024 y consecucionan pa 2025 Cft a reitera su preocupacionnan tocante di e factibilidad di e ambicionnan presupuestario di Boneiro, y ta observa un desaroyo preocupante respecto di recursonan no gasta. Den un plaso di 5 aña, e presupuesto di Boneiro a ser redobla, mescos cu e reservanan. E isla tin dificultad pa gasta e recursonan, y tin hopi placa di parkeer den reservanan aloca.

Debi na esaki, ta aplasa pa añanan posterior e ambicionnan politico di 2024.

Entidadnan gubernamental Cft tambe a pidi atencion pa corporate governance y e maneho di e entidadnan gubernamental. E funcionamiento di Selibon ta demonstra e urgencia di atende cu e puntonan aki mas pronto posibel.

Cobro di impuestonan local Finalmente, Cft a reitera su obhecionnan contra e intencion di Boneiro pa tuma over e cobro di impuestonan local di Belastingdienst Caribisch



Nederland. Esaki ta crea riesgonan considerabel pa e presupuesto di Boneiro. E organisacion administrativo ya caba ta bao di presion debi na e retonan den e area

di implementacion di politica, maneho financiero y entidadnan gubernamental. Como reaccion, Colegio Ehecutivo a indica cu e lo laga den tur caso

e funcion di loket di e servicio di impuesto cerca Belastingdienst Caribisch Nederland. Ademá, Boneiro lo priorisa pone na ordo e administracion basico di impuestonan.

GUARDA NOS COSTA TA SIGUI PIKI INDOCUMENTADONAN RIBA CAYA!



Diamars merdia den e solo cayente aki e oficialnan di Guarda Nos Costa a subi caya pa captura e indocumentadonan. Nan ta hopi y nan ta dimas Aruba no por sigui cu tur e hendenan aki cual ta stroba e

economia di nos isla. Diamars merdia nan a crusa brug bay haci detencion di hendenan indocumenta unda a haya varios persona na sitionan di construccion mayoria di nan sin papel.

ACCIDENTE CU HENDE HERIDA PA FALTA DI PREFERENCIA



Diamars merdia a drenta cu hende herida pariba di Watertoren na Sanicolas, mesora a dirigi tanto informe di un accidente polis como ambulans



na e sitio na e sitio. Na yegada di e patruya a bin compronde cu aki ta trata di un accidente pa falta di preferencia.

Debi na e impacto un persona a res
















ulta levemente herida. Na yegada di e ambulans nan a atende e victima.
















GRUPO DI TURISTA HOBEN MAYORIA MENOR DI EDAD BUSCANDO PROBLEMA AREA HOTELERO



Diamars madruga poco mas tempran un grupo hobenmayoria menor edad ya caba a haci problema na un hotel na Palm Beach, un rato despues meymey unda bar nan ta atrobe a causa problema. Unda cu e bouncer nan mester a laga nan post pa asina

evita un of otro pelea riba caminda. Un hoben a sigui cana y haci fastioso den varios hotel den e area ey poniendo hasta polisnan di Oranjestad y polis cu ta cuida costa activo. Pa asina preveni cu nan hasi daño na propiedadnan of daño na otro.

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo de Merdia 🎡 - February 18, 2025	
 Sorteo # 4541 3271 6724 7508  FP  Sorteo # 4541 5575  X2  Sorteo # 2597 7274  Sorteo # 4541 5872 Libra  Sorteo # 1415 357  X2		 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 120.000,-	
 Sorteo # 0 x Jackpot 0 x Match 4 0 x Afl 8,00 Proximo Jackpot 102.000,-		 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl 15,00 Mega Ball Proximo Jackpot 1.850.000,-	
		Afl. 2.850.000,-	
 Sorteo # 			

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - February 18, 2025	
 Sorteo # 8476 1815 7335 5049  X2  Sorteo # 7520 5499  X2  Sorteo # 2225 1094  Sorteo # 6279 7439 Cancer  Sorteo # 1209 505  X2		 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 120.000,-  Sorteo # 6746 0 x Jackpot 5 x Match 4 208 x Afl. 8,00 Proximo Jackpot 102.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 1.850.000,-  Afl. 2.850.000,-  Sorteo # 	

PALABRA

UN LAMAN YENA CU BIDA
UN HENDE CU NOS TA STIMA
TA E PALABRA FEY CURASON
E FLECHA TIRA
ALCANSA PA ESCOGENCIA
MARA NA PIA DI TRABAU
PALABRA NA PIDA PIDA
PA LAMAN REFRESCA
NADA PURA PURA
PALABRA FORMA MANERA BARANCA
HAMAS DESTROSA
PROTEHA
PA E RAZANAN DEN NAN RELIGION
COS BON
COS BUNITA
COS BALIOSO
LETRANAN PEGA NA OTRO
HOPI SORTO
NOS IDIOMA
NOS LENGA MATERNO GLORIOSO
RUTHY "LADY RUTH"

Oracion di dia

**Un feliz dia bendiciona
yena cu gracia di Dios**

"Lo Bo ta sacerdote pa semper na e mesun manera cu Melkisedec."
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa
semper, bunita titulo pa Hesus aunke Hesus no mester di ningun
introduccion of titulo paso E ta Dios y Dios ta Amor. Asina mes den
Hesus nos por experencia Amor, E Amor Unico cu nos tur ta anhela
consciente y inconscientemente nos tur ta anhela di experencia E Amor
di Dios.

Ta difícil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e
donnan y awor ta keda nos nada mas cu resa y pidi Spirito Santo habri
nos curason pa nos experiencia y pone e donnan den practica y asina
accepta y cumpli cu Dios su boluntad den nos bida y nos biba!

Oracion:Hesus mare nos tur por reconece cu Abo ta nos Rey di Husticia
y acerca Bo curason misericordioso pa nos salvacion.
Amen

Addonsito ta gradici Lillyputters speelschool



Addonsito Croes tawatin e honor di fungi como e MC exclusivo di e eleccion aki. For di aki, Addonsito ta felicita e ganador Melena Leon y cada finalista cu nan bunita presentacion y titulo obteni.

Tambe e Prins cu Pancho Coco Loco cu a pone bon ambiente. Pabien y danki na e team di maestronan Lilly, Suhein y Nadesca sosteni pa Darinka, Darienne, Jake, Liv, Mila, Kami, cada mayor y famia, e cuerpo di hurado, dj Atronchi y Elite cu ta traha duro pa e eleccion aki ta realisa na e forma unico aki.

Aruba su artistanan Singing Bee, Melody



Franken y Easy Party Sollution y reina saliente Adela Maduro, a duna tremendo presentacion. Un momento unico tawata tambe e reconocimiento

cu juffrouw Lilly a brinda na Emperatriz Perdomo cu desde comienso ta cu Lillyputters. Danki tambe Prensa di Aruba pa e colaboracion di semper.



Den Renaissance a tene su di 47 edicion
Convention Center, di eleccion di reina. Pa
Lillyputters speelschool di 10 aña consecutivo



Cu inmenso tristesa Citgo Santa Cruz
ta anuncia fayecimento di

Elisabeth C. Croes-Croes

Accionista di nos compania y ruman di
nos director Edgar Croes.

Nos ta expresa nos mas profundo condolencia
na su casa Ronny, su yiunan Ronella, Silvia, Ernon y demas famia y ta
desea nan hopi forza den e dianan dificil aki.

Cu Elsie sosega na paz.

RESULTADO CLASICO

INTERNACIONAL JINETE &

AMAZONAS



Amazonas Principiante 6-8
año
Mehor: Ginayli Hodge

Amazonas Principiante 9-11
año
Mehor: Kaylee Pinto
Primer: Alize Kemp

Amazonas Principiante 12-
14 año
Mehor: Amy Koolman

Mini Amazona 4-5 año:
Mehor: Jaeny Texeira da
Camara (Curacao)

Mini Jinete 4-5 año:
Mehor: Zaenoh Ignacio
(Curacao)

Amazonas Pre-infantil 6-8
año:
Mehor: Isaiah Walter
(Curacao)
Primer: Ilana Stewart
(Curacao)
Segundo: Alessia Garcia
Tercer: Adeline Lomans

Jinetes Pre-infantil 6-8 año
Mehor: Aiden Kock
Primer: Zhane Rafael Sprock
(Curacao)

Amazonas Infantil 9-11 año
Mehor: Sophia Schotte
(Curacao)
Primer: Zaria de Groot



Segundo: Zoe Solagnier

SUDOKU

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	


	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

			8		1			
						4	3	
5								
				7		8		
						1		
	2			3				
6							7	5
		3	4					
			2			6		

TRUCK DI GEN AIR A RANCA WAYA DI CABLE TV NA ROOI AFO



Diamars mainta a drenta informe di un incidente na Rooi Afo, mesora a dirigi un patruya na e sitio. Na yegada di e patruya a bin compronde cu un truck cu tabata transportando un Forklift ya cu no por a pasa riba e brug ya cu esaki ta sera a pasa otro caminda y a dal y ranca wayanan di CableTV cu tabata basta abao. Polis a presenta y a traha un raport di e susedido y a avisa e compania pa bin haci e reparacionnan necesario



Señor ta mi wardador, mi n' tin falta di nada
Den cunucu di yerba berde, E ta pone mi sosega
E ta hiba mi na awa trankil, pa mi bolbe haña forsa
(for di Salmo 23)



Den nomber di e ekipo y Hunta di Supervision
di Aruba Tourism Authority ta extende palabranan
di profundo condolencia na Ronella Croes, CEO di A.T.A.,
cu fayecimento di su querida mama

Sra. Elisabeth C. Croes-Croes

☀ 25-02-1951 | + 12-02-2025

Alabes ta extende condolencia y desea forsa na su tata,
rumannan y demas famia.

Cu señora Elsie sosega na paz.



Paga bo cuenta online ta facil

Sea
Abonnement
of Aviso



Pa hasi pago online pone number y adres na
cuenta di banco RBC Sunmax Printing
account # 7700000100152447

FORTALEZA PA FAMIA

Scirbi pa Pastor Marcel Balootje.

NOS TIN AUTORIDAD DEN NUMBER DI CRISTO HESUS

Hesus , a hala serca y a papia cu nan,bisando; Tur autoridad a wordo duna na Mi den shelo y riba tera. (Mateo 28:18).

E senjal nan aki lo companja esnan cu kere: den Mi nomber, nan lo saca demonjo, nan lo papia den lenga nobo,nan lo cohe colebra tene cu man,y si nan bebe veneno mortal, esey lo no haci nan danjo, nan lo pone man riba hende malo y esakinan lo bira bon.(Marco 16:17).

Hesus a duna autoridad den Su nomber, na esnan cu ta kere den dj'E y ta biba segun Su Palabra.

Pa nos eherce e autoridad cu E a duna nos ,nos mester tin un bida di oracion, pasobra oracion ta comunicacion cu Dios, y sin comunicacion cu Dios, of comunicacion parcial, of comunicacion de bes en cuando nos no por eherce e autoridad cu E a duna nos.

Den e autoridad cu Cristo Hesus a duna nos , nos ta ordena e demonjo pa bay, nos ta ordena malesa pa bay, pasobra e autoridad cu Cristo Hesus a duna nos, ta duna nos e poder pa haci esey, nos no ta pidi maldad pa e bay bay nos ta ordena maldad pa bay den nomber di Cristo Hesus.

Pasobra e palabra ta bisa den Marco 16:20: Y nan a sali bay y a predica tur caminda, y Senjor tabata traha hunto cu nan, y tabata confirma e palabra pa medio di e senjalnan cu tabata sigi. Amen.

Den Hechonan 3: 6 Pedro a bisa e homber paralitico; Oro y plata mi no tin , ma loke mi tin mi ta duna bo den e nomber di Hesus lanta y cana.y Pedro a cohe e paralitico na su man y mesora pianan di e paralitico a hanja forsa.

Tin poder den e nomber

di Hesus, y esey ta locual awendia tin hende cu no ta kere, pero pa tur esnan cu ta kere, tin poder den e nomber di Hesus.

E poder den e nomber di Hesus ta obtenibel 24/7 pa esnan cu ta kere, pasobra Hesus a priminti cu semper E lo tey pa nos y nunca E lo bandona na nos.

Ma tur esnan cu a ricibi E na nan e a duna e derecho pa bira yuinan di Dios,esnan cu a kere den Su nomber,cu no a nace di sanger,ni di e boluntad di carni,ni di e boluntad di hende, ma di Dios.

Hesus a duna na nos un gran promesa cu ta para scirbi den Juan 14:13-14 bisando: Y tur loke boso pidi den Mi nomber esey lo Mi haci, pa e tata wordo glorifica den e Yiu. Si boso pidi algo den Mi nomber , lo Mi hacie.

Hesus tin tur autoridad pasobra esey a wordo duna na dj'E door di e Tata cu ta den cielo.Pesey Hesus a bisa esun cu a mira Mi a mira Mi Tata, y tambe E a bisa cu Ami y Mi Tata ta uno.

Pesey tambe Dios a hals'E te na e halturanan, y a dun'E e nomber riba tur nomber, cu pa e nomber di Hesus tur rudia mester dobla, di esnan cu ta den cielo, y riba tera, y bao di tera, y cu tur lenga mester confesa cu Hesus Cristo ta Senjor, pa e gloria di Dios Tata.

Den Cristo Hesus nos tin tur forsa y tur resistencia, pesey e palabra di Dios ta bisa nos: Pesey somete boso na Dios, resisti e diabel y e lo huy for di boso.

Na Dios tur e Gloria.

Sinceramente, Pastor Marcel Balootje.

Señor ta mi wardador, mi n' tin falta di nada Den cunucu di yerba berde, E ta pone mi sosega E ta hiba mi na awa trankil, pa mi bolbe haña forsa (for di Salmo 23)

Cu inmenso amor y gratitud den nos curason pa tur locual el a significa pa nos, famia Croes ta anuncia fayecimento cristian di:

Elisabeth C. Croes-Croes

Mihor conoci como: El, Elsie, Juffrouw

Elsie, Juffrouw Croes

+ 25-02-1951 - † 12-02-2025



Na nomber di su esposo:

Rolando “Ronny” Croes

Yiunan:

Ronella Croes

Ernon Croes

Silvia Croes y Michel Maduro

Mayornan:

†Frans Muller Croes & †Anna Maria Croes-de Mey

Suegronan:

†Gerrit “Gerry” Croes & †Cornelia Croes-Maduro

Rumannan:

Lucia y Boi Croeze-Croes

Ovi y José Croes-van Hoek

†Rita y Edwin Arendsz-Croes

Olivia y Nico Duarte-Croes

Robby y Melva Croes-Yanez

Evelyn y Franklin Ruiz-Croes

Benita Britt-Croes

Des Croes

Rina Croes

Edgar y Wina Croes-Werleman

Swa y cuñanan:

Lucia Croes

Chica Croes

Elizabeth y †Oscar Bikker-Croes

†Betty y †Roberto Tromp-Croes

Gabriel y Greta Tromp

Yolanda Croes

Leoncita Croes

Edith y Ronny van der Linde-Croes

Roberto y †Rina Croes-Tromp

Sobrino y sobrinanan y nan famia:

Haime, Wendy, Enid, Alan, Edith, Irwin, Egbert, Indra, Sergio, Iraida, Jorge, Cedric, Renzo, Liza, David, Daniella, Nicole, Cindy, Lucio, Elsa, John Patrick, Sherry, Roderick, Shareen, Shariff, Itishmira, Roschendra, Roschenell, Rhadyn, Rhansley, Ericson, Silvyane, Ghrisanty Ihanan: Iraida Duarte, Maria-Elena Krozendijk, Sandrich Bislik

Alicia, Auchie, Giechie, Valerie, Maria, Reina, Linda, Ica, Violeta, Mireya, Doy, Salome, Norma, Norman, Beatriz y demas amigo y amiganan

Un danki special pa e atencion y cuido ricibi di dokternan y ekipo completo di Intensive Care Unit na HOH

Demas famia:

Croes, de Mey, Maduro, Croeze, Arendsz, Duarte, Ruiz, Britt, Bikker, Tromp, van der Linde, Lee

Ta invita primo y primanan, bisiñanan, conocinan, ex-colega y alumnonan di Colegio Ora Ubao y La Salle College, gruponan di oracion

Nos ta gradici y aprecia e sosten y apoyo ricibi, pero nos ta lamenta cu nos no por ricibi bishita di condolencia na cas

Na lugar di krans of flor lo tin box disponibel pa donacion pa Hospice Atardi y Fundacion Dr. Jose Gregorio Hernandez

Nos ta pidi disculpa si den nos tristesa nos por a lubida un famia of amistad

Oportunidad pa condolencia:

Diamars 18 di Februari 2025 di 7:00 pm pa 9:00 pm na Aurora Funeral Home

Acto di entierro:

Diaranson 19 di februari 2025 for di 2:00 pm pa 4:00 pm na Misa Inmaculada Concepcion na Santa Cruz. Sigui pa un respons y despues lo sali pa Santana Catolico na Santa Cruz